

四庫全書

史部

欽定四庫全書

史部

欽定歷代職官表卷四十七

郎中<sub>臣</sub>丁雲錦覆勘

纂修兼校勘內閣中書

<sub>臣</sub>

張經田

謄錄貢生

<sub>臣</sub>

張彭齡

欽定四庫全書

欽定歷代職官表卷四十七

火器健銳虎鎗各營表

秦漢後漢三國晉宋齊梁陳北魏北齊後周隋唐季宋遼金元明

明秦漢後漢三國晉宋齊梁陳北魏北齊後周隋唐季宋遼金元明

燕山東嶺將軍  
柏樞 詳辰司  
廣德堂 督軍司  
神助軍 詳辰司  
柏樞  
回回鐵拔官神  
千軍區 提督  
上府戶  
府邊督  
陽縣

火器總營表

火器營翼長總等官

射擊校  
射擊校  
射擊校  
射擊校  
射擊校  
射擊校  
射擊校  
射擊校  
射擊校  
射擊校

總管  
副管  
中管  
副中管

威遠軍  
威遠軍  
威遠軍  
威遠軍  
威遠軍  
威遠軍  
威遠軍  
威遠軍  
威遠軍  
威遠軍





三旗虎鎗總營統領等官

周  
六  
年  
十  
月

欽定四庫全書

欽定歷代職官表

前鋒  
左右  
古  
射  
生  
軍  
大  
將  
監  
軍  
左右  
使  
神  
威  
軍

[illegible]



火器健銳虎鎗各營

國朝官制

火器營總統六人

以王公或領侍衛內大臣都統前鋒統領護軍統領兼任

掌教演火器之政令初康熙三十年始置火器營  
設鳥鎗護軍每人各給鳥鎗一八旗各給子母礮  
五專司練習火器以王公大臣兼領初無定員雍正  
年間始定置六人乾隆十年以朝陽門內隆福  
寺前官房一所為火器營公署三十八年移住一

半於廣仁宮後之御河旁別為一營以去城市遠  
俾得專心訓練焉

火器營左右翼翼長各一人

正三品

八旗掌關防營總每

旗各一人

正三品委署翼長二人在內

鳥鎗護軍叅領每旗各一人

正三品

副鳥鎗護軍叅領每旗各二人

正四品

魚管礮位每

旗各一人委署鳥鎗護軍叅領每旗各四人又五品頂

帶花翎委署鳥鎗叅領十人

於鳥鎗護軍校內選用仍食原餉

鳥鎗護

軍校每旗二十八人筆帖式每旗各二人

於護軍內選用仍食原餉

掌訓練火器較試以時每歲秋後於蘆溝橋演放  
子母礮咸率其屬以從事焉其所移住御河旁一  
營兼在昆明湖教習水戰營總乾隆二十九年置  
烏鎗護軍叅領初設十六人均以旗員兼任雍正  
三年省察哈爾八旗護軍叅領改入火器營定為  
專設之缺乾隆二十九年省八人又初制有烏鎗  
驍騎叅領二十四人烏鎗驍騎校一百十二人乾  
隆三十五年省驍騎叅領以驍騎校額併入護軍

校內即以副護軍叅領兼管礮位及委署護軍叅領皆如今額又有鳥鎗藍翎長每旗二十八人八旗滿洲蒙古每佐領下鳥鎗護軍六人礮騎一人

健銳營總統無定員

以王公大臣兼任

掌健銳營之政令督率所屬以時訓練乾隆十四年於八旗前鋒護軍內簡雲梯精卒千人從征金川會其酋噶威請命經略大學士忠勇公傅恒承

詔受降功成凱旋因

命以其衆特立為健銳雲梯營於香山實勝寺傍建屋  
以居之其官屬皆設為定額而以王公大臣兼理  
營務有缺則請

旨特簡焉

健銳營左右翼翼長各一人

正三品

八旗前鋒叅領每旗

各一人

正三品

副前鋒叅領每旗各一人

正四品

委署前鋒

叅領每旗各二人

即於前鋒校內選委

前鋒校共五十人

正六品

副

前鋒校共四十人

即於前鋒內選用

筆帖式四人

即於前鋒內選用仍食原

餉

前鋒軍演習水師教習漢人侍衛十人把總十人

掌帥領營卒習雲梯馬步射鳥鎗馳馬躍馬舞鞭  
舞刀之技每遇

巡幸則分其軍十之二以共隨扈之事又於昆明湖置  
趕繒船八艘以教水戰駕船駛風咸精於其藝焉  
翼領等官俱乾隆十四年置委署前鋒叅領副前  
鋒校水師教習侍衛俱乾隆十八年增置水師把

總由天津及福建水師營選送天津四人福建八人又藍翎長共五十人前鋒千人委署前鋒千人養育兵百人水手七十二人

三旗虎鎗營總統一人

以公侯領侍衛內大臣簡任

三旗總領各二

人

以內大臣都統前鋒統領護軍統領副都統侍衛簡用

虎鎗長每旗各七人

鎗副長每旗各七人

均於虎鎗八內選用

筆帖式六人

內三人以七品廕銜

仍食原餉委署三人無頂帶

掌以虎鎗翊從凡遇

車駕蒐狩虎鎗總統總領日以十人佩虎鎗於前導侍衛前行安營後偵虎豹出入備伏弩箭犁刀

行田遇大獸則列鎗從之奉

旨殪虎或追踪或尋山得則具奏以獻將首先刺虎一  
二人名奏

聞初康熙二十三年黑龍江將軍進精騎射善殺虎新滿洲四十人至京分隸上三旗始置虎鎗營設官以領之三旗虎鎗人共六百人於侍衛叅領親軍



校親軍前鋒校前鋒護軍校護軍驍騎校驍騎領  
催及閑散人內選用初制設三百六十人雍正元  
年增置每旗各八十人內虎鎗人四百八十人學  
習虎鎗人一百二十人虎鎗總統總領馬褂以黃  
色鎗長以紅色虎鎗人以白色衿均鑲以青乾隆  
三年始鑄給關防焉

歷代建置

謹案荀子稱齊之技擊不可以遇魏之武卒魏

之武卒不可以直秦之銳士自古有國家者於  
兵制常額之外必有選鋒之軍訓練之衆教養  
於平時而收其效於一旦以資臂指而壯聲靈  
所關至鉅我

朝法制周密軍威宣暢康熙中特置火器營以練  
習鎗礮虎鎗營以格殪猛獸政一令專技精藝  
熟為前代所未有我

皇上聖武維揚萬方震疊自歲己巳始以雲梯勝兵

叔置健銳營於香山勁旅如雲無不一當千百  
復以歲時

親臨簡閱號令嚴明節制有方屹為千城腹心之選  
嗣是

王師捷伐所至蕩平搗穴擒渠多恃是軍之宣勞著  
績仰見

睿謨廣運條畫精詳儲材豫而收效遠實為超軼前  
代謹以列史所載詳加考核如漢之八校尉唐

之神策軍宋之四上軍遼之皮室舒新軍雖其  
勇練皆不足以當今之萬一而特選精卒別設  
營制其用意尚有略相彷彿者至火器之制自  
古所無凡史所謂礮者皆以機發石而已元初  
得西域礮攻金蔡州城始用火然其造法不傳  
後亦罕用至明成祖平交趾得神機鎗礮法因  
置神機營以肄習之行軍之用火器實權輿於  
此故求之前代尤無足以相擬惟當時或以善

射或以習弩亦為之別置一軍則一技專長未  
嘗不可援為此附用是取其近似微撫大略著  
之於篇庶俾列代得失之由藉以考見一二其  
實

國家制度之盡善教訓之有方亘古無倫初非秦  
漢以降武備弛缺者所得相提而並論也

### 三代

李善文選註周有七萃之士萃聚也亦猶傳有七

與大夫聚集有智力者為王之爪牙

謹案周制有六軍三軍之名雖未嘗別立一軍  
如我

朝之健銳營然考六韜練士篇太公曰軍中有大  
勇力敢死樂傷者聚為一卒名曰冒刃之士有  
銳氣壯勇強暴者聚為一卒名曰陷陣之士有  
奇兵長劍接武齊列者聚為一卒名曰勇銳之  
士有披距伸鉤強力多力潰破金鼓絕滅旌旗

者聚為一卒名曰勇力之士有踰高絕遠輕卒  
善走者聚為一卒名曰寇兵之士其曰聚為一  
卒則七萃之義也蓋萃亦聚也吳子圖國篇云  
民有膽勇氣力聚為一卒樂以進戰効力以顯  
其忠勇者聚為一卒能踰高超遠輕足善走者  
聚為一卒亦與太公六韜同皆沿七萃之制則  
略如今之健銳營矣圖國篇又云一軍之中必  
有虎賁之士力輕扛鼎足輕戎馬塞旗取將必

有能者若此之等選而別之愛而貴之是謂軍  
命亦如今之健銳營甲于諸營也凡此雖未獨  
立軍名而義可互証故附識于此

穆天子傳天子西遊射於中囗命虞人掠林有虎  
在於葭中天子將至七萃之士高奔戎生捕虎而  
獻之天子命為狎畜之東虞是曰虎牢

謹案周書世俘第四十武王狩禽虎二十有二  
貓二麋五千二百三十五羆十有二羆七百二



十有一熊百五十有一羆一百一十有八豕三百五十有二貉十有八麋十有六麝五十麋三十鹿三千五百有八當時擒虎之多至二十有二他猛獸無論雖事見逸書未能一一徵信要可與今虎鎗營職掌互証焉酈道元水經注顏師古漢書注皆引七萃之士生捕虎之文王融曲水詩序稱七萃連鑣虞羲詩亦云雲屯七萃士蓋周制於虎賁之外別有此七萃之士其勇

力足以捕猛獸正如今之有虎鎗營也惟是虎雖可以力斃而難以生擒伏讀

御製叢薄行云叢薄之中聞有虎三子逐逐隨其母

鎗斃於菟及一子其子曳尾藏深莽惡獸應弗留

餘孽是非所云不探卵<sub>叶</sub>因命生擒觀壯材羽林

徼紆皆暴怒兩人搏一何足云一人獨攫誠堪詡

其名乃曰見多爾索倫侍衛中英楚手尾挈領安

且詳須臾虎兇入柙擄被斑綦白涉鋪張豈似今

朝萬目覩喜亦詎為萬目覩適有新歸化布魯

天藻煌煌賦事徵實蓋負嵎巨虎非用虎鎗及虎神  
鎗利器難以就殲惟小虎乃可生捕耳穆天子  
傳生捕虎之文究屬夸飾無關典要也

秦

無可考

漢

漢書百官公卿表中壘校尉掌北軍壘門內外掌  
西域屯騎校尉掌騎士步兵校尉掌上林苑門屯

兵越騎校尉掌越騎長水校尉掌長水宣曲胡騎  
又有胡騎校尉掌池陽胡騎不常置射聲校尉掌  
待詔射聲士虎賁校尉掌輕車皆武帝初置有丞  
司馬

漢書刑法志武帝平百粵內增七校外有樓船皆  
歲時講肄修武備晉灼注百官表中壘屯騎步兵  
越騎長水胡騎射聲虎賁凡八校尉胡騎不常置  
故此言七校

程大昌雍錄其八屯校尉惟中壘射聲虎賁屯騎  
當在城中而四屯悉在城外故步兵校尉掌上林  
苑門之兵越騎校尉掌越人內附之騎長水校尉  
則掌胡騎之在長水宣曲者也胡騎校尉則掌胡  
騎之在池陽者也總都城而言所屯則上林在城  
西南長水宣曲在城東南胡騎在城北渭水之外  
宣曲固在城東而城西昆明池旁亦有宣曲然而  
長水校尉所掌必在城東為其與長水相附並也  
馬端臨文獻通考山齋易氏曰案劉屈氂傳太子

使如侯持節發長水及宣曲胡騎皆已裝令侍郎  
莽通使長安追捕如侯告胡人曰節有詐勿聽也  
遂斬如侯引騎入長安蓋中壘在北軍而步兵在  
上林苑門長水兼掌長水及宣曲胡騎則在長水  
及宣曲皆在長安城外顏師古以長水在今鄠縣  
東長水鄉是知八校分屯不專在一所雖同名北  
軍而各以校尉領之不屬中尉之北軍此八校尉  
所以自列於城門校尉之後而中壘校尉亦別掌

北軍壘門內外不屬金吾也蓋金吾秩中二千石而八校尉皆秩二千石其位亦重矣

季本禮疑圖案八校尉之置所以分中尉之權也八校尉之軍舊皆三輔番上為中尉之所專統特以中壘令丞設軍壘別置精兵以備警急耳今中壘升為校尉專掌壘門屯兵不屬中尉蓋八校尉之所掌者取選募之精兵分屯城內但其所領事有時在外如長水池陽之類故其分屯不常專在

一所而實則猶存城內北軍之名也惟中壘猶與中尉相關而中尉之所掌已分執金吾之職尚不廢徵循京師與戍中都官之舊耳此武帝慮患防奸之術也但章氏謂武帝既增校尉恐中壘之權太重則明指中壘統七校尉如光武之以北軍中候監五營校尉也殊不知中壘與七校本皆秩二千石不相統屬自足相制烏得云中壘之權太重耶又三輔黃圖謂中壘屯騎虎賁步兵越騎長水



胡騎射聲八營宿衛王宮亦非矣蓋此八營即八軍也豈以光武時并為五營校尉皆掌宿衛兵而遂謂八校尉亦同其制歟大抵章氏之說本於補兵志多雜後來改更之制不若易氏考究之精詳也

謹案漢制以南軍掌宿衛如今之前鋒護軍營北軍掌徼循京師如今之步軍營與火器健銳諸營職掌均不相合惟刑法志謂武帝內增七

校外有樓船皆歲時講肄修武備是武帝於北  
軍之外募增七校以為勁兵專備征伐無宿衛  
徼循之事其材力超越特出諸軍之上頗近今  
之火器健銳諸營考之於史李陵傳漢遣貳師

代大宛使陵將五校兵隨後

案後漢始并八校  
為五營此云五校

蓋用八校之五耳  
非後漢之五校也

霍光傳發材官輕車北軍五

校士趙充國傳有詔將八校尉與驍騎都尉金

城太守合疏捕山間虜元帝本紀永光二年西

羗反以太常任千秋為奮威將軍別將五校並  
進是當時出兵征討皆藉八校之力可知其勇  
銳實甲於諸軍也今核其職掌長水校尉屯長  
水宣曲胡騎校尉屯池陽與今健銳營別駐香  
山者其制正同越騎校尉如淳謂越人歸附以  
為騎也山堂攷索及文獻通考謂募知越人事  
者為越騎越人習水戰故用之亦與今健銳營  
掌練習水師者相合而步兵校尉掌上林苑門

屯兵則令健銳營倣效

圓明園護軍營該班值宿之制每日以叅領一人

前鋒校前鋒十名守衛

靜宜園宮門亦其遺意至射聲校尉掌待詔射聲

士服虔曰射聲工射者也

素服虔釋射聲二字謂冥冥中聞聲則射

之於義未安應劭謂詔所命為射故曰待詔射然則射字屬上讀非射聲也當時以射聲名官

義雖難解而如服虔所云涉于茫渺未足為據是獨以一技名官與今

火器之設為專營者亦差相彷彿矣

漢書宣帝本紀應募飲飛射士注服虔曰周時度  
江越人在船下負船將覆之飲飛入水殺之漢因  
以材力名官如淳曰呂氏春秋荆有茲飛得寶劍  
於干將渡江中流兩蛟繞舟茲飛拔劍赴江刺兩  
蛟殺之荆王聞之仕以執圭後世以為勇力之官  
茲飲音相近臣瓚曰本秦左弋官也武帝太初元  
年改曰飲飛官有一令九丞在上林苑中結罾繳  
弋鳧雁歲萬頭以供祀宗廟師古曰取古勇人以

名官熊渠之類是也亦因取其便利輕疾若飛故號飲飛

謹案飲飛亦漢之精兵有一令九丞以領之別屯上林苑中考漢書載趙充國將兵伐先零宣帝遣其子右曹中郎將卬將期門飲飛為支兵馮奉世為右將軍伐西羌亦將越騎飲飛以往是當時調發多及此兵蓋亦取其驍捷可用正如今之健銳營也

漢書百官公卿表水衡都尉有輯濯令丞注如淳  
曰輯濯官船也師古曰輯讀與楫同音集濯音直  
孝反皆所以行船也

漢書劉屈氂列傳發輯濯士以予大鴻臚商邱成  
顏師古註輯濯主用輯及濯行船者也短曰輯長  
曰濯

漢書枚乘列傳遣羽林黃頭循江而下注蘇林曰  
羽林黃頭郎習水戰者也師古曰鄧通以櫂船為

黃頭郎

應劭漢官儀高祖命天下選能引關蹶張材力武  
猛者以為材官樓船常以秋後講肄各有員數

謹案漢初即置樓船士故楊僕嘗為樓船將軍  
而地理志廬江郡亦有樓船官蓋主以水軍習  
戰者然此皆郡國所置不必盡在都城惟輯濯  
令丞所領有輯濯士劉屈氂發之以與衛太子  
戰而黃頭郎又屬之羽林此則舟師之在長安



者正如今健銳營有演習水師之比矣

王應麟玉海漢初軍制弩則有弩將射則有樓煩

將長鉦都尉以長鉦為職

顏師古曰長鉦長及兵也為刀而鉞形

謹案弩將樓煩將長鉦都尉皆各以其技自成  
一隊亦頗近今之火器營也

後漢書百官志屯騎校尉一人司馬一人越騎校  
尉一人司馬一人步兵校尉一人司馬一人長水  
校尉一人司馬胡騎司馬各一人射聲校尉一人

司馬一人不屬北軍中候

後漢書何進列傳是時置西園八校尉以小黃門  
蹇碩為上軍校尉虎賁中郎將袁紹為中軍校尉  
屯騎校尉鮑鴻為下軍校尉議郎曹操為典軍校  
尉趙融為助軍校尉淳于瓊為佐軍校尉又有左  
右校尉

謹案東漢省八校為五校領屬於北軍中候則  
已同為宿衛之兵與西京之各置別營者有別

然考後漢紀傳所載如耿秉副竇憲發北軍五校擊匈奴行車騎將軍鄧鴻將北軍五校士討叛胡劉尚發北軍五營征羌鄧騭將北軍五校擊涼郡叛羌車騎何熙將五校營士擊烏桓羌入河東使北軍中候朱寵將五營士屯孟津屯騎班雄將五營兵屯長安三輔征西馬賢將五校士屯漢陽執金吾張喬以五校士屯三輔竇武張奐何進皆以五營士屯都亭是當時推鋒

陷陣亦仍以五校為勝兵則與西京之制固不甚相遠也至西園八校尉則皆特置之軍雖以宦官統領貽譏史冊而推其本意蓋亦仿西京八校而設所以練習武備耳

三國

三國蜀志秦宓列傳拜左中郎將長水校尉董和列傳胡博歷長水校尉廖立列傳後主襲位徙長水校尉

三國蜀志張裔列傳裔以射聲校尉領留府長史  
三國蜀志向朗列傳後主踐阼為步兵校尉

三國蜀志楊洪列傳為越騎校尉

三國吳志三嗣主列傳太平二年步兵校尉鄭胄

謹案據三國志所載則蜀漢孫吳各有五校畧  
如東漢之制至曹魏雖置有此職然考裴松之  
注引魏氏春秋稱阮籍聞步兵校尉闕廚多美  
酒營人善釀酒求為校尉遂縱酒昏酣遺落世

事則是魏世五校已為冗職無復兩漢之任至  
晉而遂從省併宋代雖復置亦僅存虛名故並  
略而不著云

晉

晉書職官志二衛始制前驅由基彊弩為三部司  
馬各置督史又置武賁羽林上騎異力四部并命  
中為五督

宋書百官志晉太康十年立射營弩營置積射彊

弩將軍主之

謹案晉之由基司馬異力督蓋特選精銳者為一部當如今之健銳營而射營弩營則如今之有火器營也

宋齊梁陳

謹案自南北朝以後五校尉及積弩積射彊弩等將軍皆為虛名以授軍功得官之人並無職掌今不復採列謹識於此

北魏

未置

北齊

未置

後周

未置

隋

未置

唐

新唐書兵志至德二載置衙前射生手千人亦曰  
供奉射生官又曰殿前射生手分左右廂總號曰  
左右英武軍上元中以北衙軍使衛伯玉為神策



軍節度使鎮陝州中使魚朝恩為觀軍容使監其  
軍初哥舒翰破吐蕃臨洮西之磨環川即其地置  
神策軍以盛如璆為軍使及安祿山反如璆以伯  
玉將兵千人赴難伯玉與朝恩皆屯於陝時邊土  
陷蹙神策故地淪沒即詔伯玉所部兵號神策軍  
以伯玉為節度使與陝州節度使郭英乂皆鎮陝  
其後伯玉罷以英乂兼神策軍節度代宗即位以  
射生軍入禁中清難皆賜名實應功臣故射生軍

又號寶應軍廣德元年代宗避吐蕃幸陝朝恩舉  
在陝兵與神策軍迎扈悉號神策軍天子幸其營  
及京師平朝恩遂以軍歸禁中自將之然尚未與  
北軍齒也永泰元年吐蕃復入寇朝恩又以神策  
軍屯苑中自是震威分為左右廂勢居北軍右遂  
為天子禁軍非它軍比德宗即位神策兵雖處內  
而多以裨將將兵征伐往往有功貞元二年改神  
策左右廂為左右神策軍特置監司當左右神策

軍以罷中官而益置大將軍以下又改殿前射生  
左右廂曰殿前左右射生軍亦置大將軍以下俄  
改殿前左右射生軍曰左右神威軍置監左右神  
威軍使左右神威軍皆加將軍二員自肅宗以後  
北軍增置威武長興等軍名數頗多而廢置不一  
惟神策神威最盛其後京畿之西多以神策軍鎮  
之皆有屯營十四年又詔左右神策置統軍以崇  
親衛如六軍時邊兵衣饟多不贍而戍卒屯防藥

若疏醫之給最厚諸將務為詭辭請遙隸神策軍  
稟賜遂贏舊三倍繇是塞上往往稱神策行營皆  
內統於中人其軍乃至十五萬元和三年廢左右  
神威軍合為一曰天威軍八年廢天威軍以其兵  
騎分隸左右神策軍及僖宗幸蜀田令孜募神策  
新軍為五十四都離為十軍令孜自為左右神策  
十軍兼十二衛觀軍容使以左右神策大將軍為  
左右神策諸都指揮使諸都又領以都將亦曰都

頭

新唐書百官志左右神策大將軍各一人正二品  
統軍各二人正三品將軍各四人從三品掌衛兵  
及內外八鎮兵護軍中尉各一人中護軍各一人  
判官各三人都句判官二人句覆官各一人表奏  
官各一人支計官各一人孔目官各二人驅使官  
各二人

唐會要光啟元年四月以田令孜為左右神策十

軍使令攷募新軍五十四都每都千人左右神策各二十七都分為五軍令攷總之

謹案唐以十六衛為南衛乃宿衛之兵又有北衛禁軍皆開元以後所置而神策為北衛兵之一其初本以邊兵入衛後遂漸增其額分屯近畿凡征伐四方多用之以取勝唐代京城諸軍神策為最故唐書以為勢居北軍右非他軍比者是也唐文粹載李庾西都賦稱親兵百萬制

以神策紫身豹首金腰火額獵霞張旆剝犀綴  
革奮目如虎眈振髯而蝟磔柔六鈞貫七札別  
有陳旌賜鉞聞外四十依榆闕而作鎮拒柳營  
而開壁其形容甚至則是軍之精勁可知當時  
如劉沔郝廷玉范希朝李晟等本出神策軍皆  
為名將其制益頗近今之健銳營而射生軍則  
頗近今之虎鎗營特唐代以中官主之浸至尾  
大不掉驕橫日甚逮昭宗既誅宦者遂廢神策

以隸六軍而唐亦益弱終至滅亡總由其措置失宜無以激士氣而固根本耳

五季

未置

宋

玉海宋殿前司有捧日天武左右四廂馬軍司有龍衛左右廂步軍司有神衛左右廂各有都指揮使每軍有都指揮使都虞候每指揮有都副指揮每都有軍使副兵馬使



宋史職官志捧日四廂管舊城左廂及殿前司馬  
軍天武四廂管舊城右廂及殿前司步軍龍衛四  
廂管新城左廂及馬軍司馬軍神衛四廂管新城  
右廂及步軍司步軍謂之上四軍各有左右廂廂  
各三軍

禮疑圖宋殿前侍衛兩司即唐禁內六軍之制而  
捧日天武龍衛神衛之名則又因諸軍之散而收  
神策為殿後四軍之遺也

玉海乾德三年詔郡國選兵之驍勇者部送闕下  
太祖親閱之中選者萬餘人以騎軍為驍雄步軍  
為雄武並隸侍衛親軍

謹案宋殿前司以捧日天武為上軍侍衛司以  
龍衛神衛為上軍通考載建隆元年詔殿前侍  
衛二司各閱所掌兵練其驍勇升為上軍則上  
軍皆以簡閱而升與今健銳營之選前鋒護軍  
勁卒別置一營者其制頗為相近至驍雄雄武

二軍雖由郡國部送而別選驍勇立為軍額亦  
即四上軍之比故並載於此篇

王海建隆二年幸飛山營閱礮軍開寶九年幸西  
教場觀飛山兵按礮咸平五年置廣捷兵五指揮  
先是帝聞南方以標槍旁牌為兵器命有司製之  
令內侍蕭延皓取廣德軍教習至是試於便殿悉  
呈其技頗精練帝以為可用特立為是軍祥符六  
年詔在京諸軍內選江淮習水卒於金明池試戰

棹立為虎翼軍置營於池側七年詔諸州簡兵有  
善水者以補神衛水軍仁宗即位十有二年幸安  
肅教場觀飛山雄武發礮紹興未置御前萬弩營  
乾道五年復置名曰神勁軍

葉夢得石林燕語瓊林苑金明池宜春苑玉津園  
謂之四園瓊林苑乾德中置太平興國中復鑿金  
明池於苑北導金水河水注之以教神衛虎翼水  
軍習舟楫因為水嬉

宋實錄建隆四年四月庚寅內出緡錢募諸軍子弟數千人鑿池於朱明門外令右神武上將軍陳承昭護其役將習水戰也

李心傳建炎以來朝野雜記平江許浦水軍本明定州海水軍舊隸沿海制置司乾道中改隸殿前司以三千人為額五年冬又改為御前水軍八年春併歸許浦淳熙四年冬以七千為額江陰水軍舊自泉州調發乾道三年以其勞費奏留屯二千

人於江陰軍而沿海制置司又別屯千人淳熙末  
增置四千此外左翼軍亦有水軍三千摧鋒軍二  
千福州延祥寨千人鎮江建康池江鄂州御前諸  
帥亦各有水軍其後殿司又有澈浦水軍而淮陰  
靖安唐灣采石諸水軍則皆冠以御前水軍之號  
謹案宋飛山營專領礮兵正似今之火器營而  
廣捷軍習標鎗神勁軍習弩各名一藝亦屬相  
近至虎翼軍領水卒而神衛廂兼有水軍則又

近今健銳營之教習水師矣

遼

遼史兵衛志皇后述律氏居守之際摘蕃漢精銳

為舒新

滿洲語鑿也原作屬珊今改正

軍太宗益選天下精甲置

諸爪牙為皮室軍合騎五十萬國威壯矣

遼史百官志左皮室詳衮司右皮室詳衮司北皮

室詳衮司南皮室詳衮司太宗選天下精甲三萬

為皮室軍初太祖以行營為宮選諸部豪健千餘

人置為腹心部耶律隆科

滿洲語銅鍋也原作老古今改正

以功

為右皮室詳袞司則皮室軍自太祖時已有即腹心部是也太宗增多至三十萬耳○舒新軍詳袞司應天皇后置軍二十萬選蕃漢精兵○礮首軍詳袞司掌飛礮之事○弩手軍詳袞司掌強弩之事

謹案遼代選精甲為皮室舒新二軍亦如今健銳營之比而礮首弩手二詳袞司則如今之有



火器營也

金

金史兵志舊常選諸軍之材武者為護駕軍海陵  
又名上京龍翔軍為神勇軍正隆二年將南伐乃  
罷歸使就僉調後於侍衛親軍四明安內選三十  
以下千六百人騎兵曰龍翔步兵曰虎步

金史百官志威捷軍

永安二年簽弩手千人  
泰和四年以之備邊事

鈐轄

正六品都轄從九品

謹案金之龍翔虎步軍大定間改為拱衛司以  
謹嚴儀衛已別繫之鑾儀衛篇然其初實於親  
軍內特選精甲以充之則與今健銳營之制亦  
頗有相近者故仍互見於此至威捷軍專司弩  
手則亦今火器營之比也

元

元史百官志回回礮手軍匠上萬戶府秩正三品  
至元十一年置礮手總管府十八年始立為都元

帥府二十二年改為萬戶府後定置達嚕噶齊

解見

戶部萬戶一員副萬戶一員經歷知事提控案牘

各一員令史四人譯史一人鎮撫二員千戶所三  
翼達嚕噶齊三員千戶三員副千戶三員百戶三  
十二員彈壓六員

謹案元代樞密院大都督府所領諸衛以備宿  
衛征討其職掌約畧相同並無選擇驍勇別為  
一營之事惟回回礮手軍匠上萬戶府則即所

謂西域火然礮法元初嘗以之攻蔡州城者實  
今火器營所由昉也

明

明史兵志成祖平交趾得神機鎗礮法特置神機  
營肄習製用生熟赤銅相間其用鐵者建鐵柔為  
最西鐵次之大小不等大者發用車次及小者用  
架用椿用托大利於守小利於戰隨宜而用為行  
軍要器至嘉靖八年從右都御史汪鉉言造佛郎

機礮謂之大將軍發諸邊鎮佛郎機者國名也正  
德末其國舶至廣東白沙巡檢何儒得其制以銅  
為之長五六尺大者重千餘斤小者百五十斤巨  
腹長頸腹有修孔以子銃五枚貯藥置腹中發及  
百餘丈最利水戰駕以蜈蚣船所擊輒糜碎其後  
大西洋船至復得巨礮曰紅夷長二丈餘重者至  
三千斤能洞裂石城震數十里天啟中錫以大將  
軍號遣官祀之明置兵仗軍器二局分造火器凡

數十種正德嘉靖間造最多

明史職官志神機營設中軍左右哨左右掖選勲臣二人提督之其管哨掖官曰坐營坐司亦率以勲臣為之又設把總把司把牌等官嘉靖二十九年設副叅遊佐坐營號頭中軍千把總等官神機營戰兵一營左副將一戰兵二營練勇叅將一車兵三營遊擊將軍一車兵四營佐擊將軍一城守五營佐擊將軍一戰兵六營右副將一車兵七營

練勇叅將一城守八營佐擊將軍一城守九營佐  
擊將軍一城守十營佐擊將軍一備兵坐營官一

大號頭官一

謹案明置神機營以肄習鎗礮又置兵仗軍器  
二局以分司製造而火器之制始備然此即京  
軍三大營之一明代自諸衛上直軍外戰守武  
備惟恃三營而中葉以後兵柄主之宦官將領  
盡出紈袴非但不知訓練甚至買閒占役尺籍

空虛成化中雖嘗分其等次以一等者為選鋒  
操練次等者為老家供役而富軍憚營操征調  
率賄將弁置老家數中貧者雖老疲轉入一等  
操練而缺伍名額又每為權貴所隱占支糧則  
有調遣則無是以軍數雖多哀耗實甚非但不  
可以言精銳即求其能執兵應操者亦十無一  
二歷代以來軍政之壞蓋未有如明之甚者矣

欽定歷代職官表卷四十七



欽定四庫全書

## 欽定歷代職官表卷四十八

盛京將軍等官表

三代秦漢後漢三國晉  
宋齊梁陳北魏

宋陳

北魏

北齊後周

隋

唐

五香

字

水滸

進  
人

金  
一

元

進行六  
鎮行臺  
都督府  
鎮軍市

東 京 府 守 北 京 府 守

守北京

西京 中京 南京 北平

留 出 湖  
兵 實 軍 東 都  
馬 總 使 京 都

東招東

北司  
路司  
使司  
元府

都宣海

保伯

軍將江龍黑林吉京威





將軍副都統衙門理事主事等官

欽定四庫全書

卷四十八

東北路  
將軍副都統衙門  
掌法官  
馬軍統領  
常川官  
大府  
集  
君

南京各  
衙門  
知事吏  
日倉大  
使副使

盛京將軍等官

國朝官制

盛京將軍一人

駐京城

盛

副都統三人

一駐錦州府

盛京一駐熊岳

城

將軍掌鎮撫

留都安輯旗民董率文武凡軍師卒戍田莊糧糈之籍疆域之廣輪關梁之要隘咸周知其數以時簡稽而修飭之副都統各守分地以贊其治初順治

元年

世祖章皇帝定都燕京以內大臣一員副都統二員及每旗駐防章京留守

盛京三年改駐防大臣為昂邦章京給鎮守總管印  
康熙元年改為鎮守遼東等處將軍四年改鎮守  
奉天等處將軍乾隆十二年改奉天將軍為鎮守  
盛京等處將軍其副都統二員雍正五年以一員移  
駐錦州府又增置熊岳副都統一員

盛京等處駐防城守尉十人協領十人佐領一百二十四人防禦九十有二人驍騎校二百有四人

凡

盛京駐防之地自將軍所治外其所屬各城曰

興京曰撫順曰遼陽曰海城曰蓋州曰開原曰鐵嶺

曰復州曰寧海曰旅順水師營曰岫巖城曰鳳凰

城曰錦州府曰熊岳曰小凌河曰寧遠曰中前所

曰中後所曰廣寧曰巨流河曰白旗堡曰小黑山

曰閭陽驛曰義州邊門十六曰威遠堡曰英義門

曰釀廠曰旺清曰靉河曰鳳凰城

右俱屬兵部而將軍兼

盛京

統之

曰法庫曰松嶺子曰新臺曰梨樹溝曰白石嘴

曰明水塘曰彰武臺曰清河曰白土廠曰九關臺

右俱將軍所屬

皆設兵駐守置城守尉協領佐領防禦等

官各視兵數多寡定額有差以掌巡防譏察之事

又有委官一百人皆以七品冠帶食領催前鋒錢

糧乾隆二十七年置



盛京將軍衙門主事一人筆帖式十有一人各處駐防衙門筆帖式十有三人倉官六人

分掌行遣案牘及糧儲出納之事

吉林將軍一人

駐吉林城

副都統五人

一駐吉林一駐寧古塔一駐白都訥一駐

三姓地方一駐阿勒楚喀

將軍掌鎮守吉林烏喇等處地方繕固鎮戍綏和軍民秩祀山川輯寧邊境副都統各守分地以贊其治初順治十年始設昂邦章京於寧古塔以鎮

其地康熙元年改昂邦章京為鎮守寧古塔等處  
將軍十五年以寧古塔將軍移駐吉林乾隆二十  
二年改為吉林將軍吉林副都統康熙十五年置  
三十一年移駐白都訥雍正三年復置寧古塔副  
都統順治十年置白都訥副都統康熙三十一年  
自吉林移駐三姓副都統雍正十年置阿勒楚喀  
副都統乾隆二十一年置又初置有拉林副都統  
一員乾隆三十四年省

吉林等處駐防總管一人協領二十有五人參領一人  
佐領一百十九人防禦八十有一人驍騎校一百十六  
人管水手四品官二人五品官二人六品官二人

凡吉林駐防之地自將軍所治外其所屬各處曰  
寧古塔曰白都訥曰三姓曰阿勒楚喀曰拉林曰打  
牲烏喇曰伊屯曰鄂謨和索囉邊門四曰巴延鄂  
佛囉曰伊屯曰克爾素曰布爾圖庫蘇巴爾漢皆  
設兵駐守置總管協領參領佐領防禦等員各視

兵數多寡定額有差職掌與

盛京各駐防同

吉林理事同知一人獄官一人吉林將軍衙門主事一人筆帖式十有二人白都訥副都統衙門委署主事一人各處駐防衙門筆帖式二十有八人管臺站筆帖式十有八人管倉筆帖式十有二人倉官七人助教十人同知掌聽旗民獄訟之事主事等官分掌文案郵傳倉儲教習之事初雍正四年設永吉州於吉林

長寧縣於白都訥置知州知縣吏目典史等官俱屬奉天府乾隆元年省長寧縣併入永吉州十二年罷永吉州改設吉林理事同知隸於吉林將軍焉

黑龍江將軍一人

駐齊齊哈爾城

副都統三人

一駐齊齊哈爾  
一駐墨爾根

駐黑龍江

將軍掌鎮守黑龍江等處地方均齊政刑修舉武備綏徠部族控制東陲副都統各守分地以贊其

治初康熙二十二年始置黑龍江將軍及副都統  
二十九年移黑龍江將軍駐墨爾根三十八年復  
移駐齊齊哈爾城齊齊哈爾副都統康熙三十七  
年自墨爾根移置墨爾根副都統康熙四十九年  
置黑龍江副都統康熙二十二年置

黑龍江等處駐防副都統銜總管一人城守尉一人協  
領十有六人總管七人參領一人副總管二十有六人  
佐領二百三十八人防禦二十有四人驍騎校二百三

十一人護軍校二人管水手四品官四人五品官二人  
六品官四人管造船四品官一人五品官一人六品官  
一人

凡黑龍江駐防之地自將軍所治齊齊哈爾外其  
所屬各處曰墨爾根與黑龍江齊齊哈爾各置水  
師營曰呼倫布爾曰呼蘭城曰布特哈曰博爾  
多皆設兵駐守沿邊卡倫四十有六皆遣官率兵  
防戍置城守尉總管副總管協領叅領佐領防禦

等官各視兵數多寡定額有差職掌與

盛京吉林各駐防同

黑龍江將軍衙門主事一人理刑主事一人銀庫主事  
一人筆帖式十有二人各處駐防衙門筆帖式二十人  
管臺站筆帖式三十有三人六品官二人臺站官二人  
管倉筆帖式六人管官屯七品官四人

分掌刑名賦餉郵驛倉儲之事雍正四年於黑龍  
江置泰寧縣知縣七年省凡旗民獄訟之事改設



理刑主事治之

歷代建置

謹案我

朝定制於各省分設八旗駐防官兵以將軍副都  
統為之董轄雖所司繁簡略異而職任無殊惟  
盛京及吉林黑龍江三處將軍俱以

肇邦重地俾之作鎮

留都統治軍民綏徠邊境其政務較繁而委任亦

最為隆鉅核其職掌蓋即前代諸京留守之比  
與各省將軍之但膺閫寄者不同洪惟我

國家肇造大東

發祥於鄂多理城

相宅於赫圖阿拉丕基思輯遂啟

興京洎夫

聖武布昭版章式廓經營遼瀋成邑成都

天付有家誕受方國爰於

盛京等處分置節帥率師鎮守西自呼倫布爾北  
循興安嶺黑龍江而東南跨鴨綠江地方六千  
里各因形勢險要列屯置戍以控扼之兵防周  
密條畫詳明其諸部落舉族內附者久已編甲  
入戶同於氓隸而沿邊以外歸化入貢則有若  
寧古塔東北東南之奇雅喀喇班吉爾漢喀喇  
赫哲喀喇費雅喀奇勒爾等近者千五六百里  
遠者四五千里直至於大東海皆歲獻土物以

時遣官頒賜遠至邇安廣輪有截豐水

詒謀夙軼萬古以前代陪京制度相準如唐之河南太

原宋明之應天皆地當腹裏所謂留守守備者

不過少異其名實與他州郡無別若北魏之平

城元之和林皆其開國舊都而六鎮外攜諸藩

內訌

說俱詳後

控制殊為無策至遼之東京正在遼

陽而東京統軍司所屬幅幘僅至長春

近今白都訥地

亦乏長撫遠馭之畧惟金代上京會寧府在今

吉林城東寧古塔西色齊窩集左右與

本朝勦業之地延袤頗合然當時雖分建諸路府  
州而生聚未繁海陵遷燕以後命毀會寧府舊  
宮殿及諸大第宅仍夷其址而耕種之頓忘舊

本世宗始復行營葺屢移諸明安穆昆以實上  
京而撫輯失宜逮其末季乂軍潰叛國勢浸弱

史所稱東極濟喇敏

滿洲語厚也原作  
吉黑迷今改正

烏達噶

蒙古語次數也原作  
元的改今改正

諸野人之境北自夫餘

舊作  
蒲與

今改正

路之北三千餘里和羅和屯

滿洲語和羅山谷也和屯

城也原作火魯火幢今改正

穆昆為邊者亦徒有虛名其規

模狹隘本不足擬議萬一而設官守衛沿革有  
困難以槩略今具列如左其未建陪京官職不  
備者則亦闕而不著云

三代

馬端臨文獻通考成王命君陳分正東郊成周亦  
留守之始

謹案周以周公君陳畢公相繼分正東都後世  
因尚書有尹茲東郊之文遂以為京尹所自始  
然洛邑有化導殷頑控置東夏之任故當時皆  
以同姓懿親逋臨斯土其官守綦鉅非僅京尹  
之專司民事者所可比擬惟今

盛京將軍之職較為近之歷代留京之有留守守  
備其權輿實本於此今故互著於篇而中間因  
革得失之由亦緣以附見焉

秦 未置

漢

文獻通考光武以扶風都尉部在雍縣將兵護衛  
園陵故俗稱雍營

後漢書安帝本紀永初四年二月乙丑初置長安  
雍二營都尉官百官志安帝以三輔有陵園之守  
乃復置右扶風都尉京兆虎牙都尉西羌傳永初  
四年春置京兆虎牙都尉於長安扶風都尉於雍



如西京三輔都尉故事

謹案三輔黃圖京輔都尉治華陰左輔都尉治  
高陵右輔都尉治郿水經注渭水又東逕郿縣  
故城南引地理志曰右輔都尉治渭水東南逕  
高陵縣故城北引地理志曰左輔都尉治蓋三  
輔都尉在西漢本典畿輔重兵自光武罷郡國  
都尉并職太守而兵事亦領之京兆尹及左馮  
翊右扶風蓋如後世以京尹兼留守之比厥後

復置郡尉專以護衛陵園分地屯守則又如今  
駐防副都統之職其有京兆扶風而無馮翊者  
長陵陽陵二縣俱已移屬京兆故也又考南匈奴  
傳左校尉閭章右校尉張國將黎陽虎牙營  
士屯五原曼栢馮柱又將虎牙兵留屯五原然則  
虎牙營本以衛園寢而為居留重兵故又時遣  
屯戍也

三國

未置

晉 未置

宋齊梁陳 未置

北魏

顧祖禹史畧初魏都平城於緣邊置六鎮曰武川

曰撫冥曰懷朔

正光六年改置朔州

曰懷荒

正光末改置蔚州

曰柔

元曰禦夷皆恃為藩衛資給優厚遷洛以後邊任

益輕將士失所互相仇怨正光四年懷朔鎮民挾

忿殺其鎮將遂反諸鎮響應冀并以北竝為盜區

魏書羅斤列傳除柔元鎮都大將荀愷列傳遷冠  
軍將軍柔元懷荒武川鎮大將宇文福列傳除散  
騎常侍都督懷朔沃野武川三鎮諸軍事征北將  
軍懷朔鎮將慕容契列傳轉都督禦夷懷荒二鎮  
諸軍事平城鎮將又轉都督朔州沃野懷朔武川  
三鎮三道諸軍事後將軍朔州刺史楊椿列傳除  
都督朔州撫冥武川懷朔三鎮三道諸軍事平北  
將軍朔州刺史楊鈞列傳轉懷朔鎮將陽固列傳

懷荒鎮將萬貳北史源懷列傳詔為使持節加侍  
中行臺巡行北邊六鎮賑給貧乏兼採風謠自京  
師遷洛邊朔遙遠懷銜命撫導存恤有方懷朔鎮  
將元尼須貪穢狼籍懷表劾之乃案視諸鎮左右  
要害之地可以築城置戍及儲糧積仗之宜凡表  
五十八條宣武並從之

謹案北魏自道武帝破蠕蠕列置降人於漠南  
東至濡原西暨五原陰山竟二千里分為六鎮

皆在代京之北及孝文遷洛以後平城故都實  
藉為屏蔽如今吉林黑龍江之控制東陲以作  
留都拱衛也當時備置兵戍用資守禦其鎮都大  
將鎮大將蓋如今各駐防副都統之比鎮將則  
如今城守尉防禦之比而行臺一官持節巡行  
彈壓訓練所掌較重則即今將軍之職任規畫  
本為盡善特太和之季邊任漸輕鎮將多不擇  
人貪污聚斂無所不至而六鎮兵卒多見擯抑

有同奴隸邊人解體武備益弛馴致羣盜並起  
亦由措置乖方有以釀成亂階耳

北齊

未置

後周

未置

隋

未置

唐

舊唐書順宗本紀貞元四年十二月以兵部尚書  
王紹為東都留守憲宗本紀元和元年十一月以

吏部侍郎趙宗儒為東都留守東畿汝都防禦使  
三年五月勅東都畿汝州都防禦使及副使宜傳  
所管將士三千七百三十人隋畿汝界分留守及  
汝州防禦使分掌之八月復置東都防禦兵七百  
人九年十月以尚書左丞呂元膺檢校工部尚書  
東都留守舊例命留守賜旗甲與方鎮同及元膺  
受命不賜諫官援華汝壽三州例有賜居守之重  
不宜獨闕上曰此三處亦宜停賜十年十二月東



都留守呂元膺請募置三河子弟以衛宮城十二年五月以尚書左丞許孟容為東都留守充都畿防禦使十三年三月以同州刺史鄭綱為東都留守都畿汝防禦使穆宗本紀長慶二年七月以前義武節度使陳楚為東都留守東畿汝防禦使本朝故事東都留守罕用武臣今用楚以李紇擾汴宋故也八月以絳州刺史崔宏禮為河南尹兼東畿汝防禦副使敬宗本紀寶曆二年八月以崔從

檢校吏部尚書東都留守東畿汝都防禦使文宗  
本紀大中十一年六月以特進檢校司空杜悰充  
東都留守東畿汝都防禦使

新唐書地理志開元十一年太原府置尹及少尹  
以尹為留守少尹為副留守

舊唐書元宗本紀開元二十九年以左金吾大將  
軍裴寬為太原尹北京留守王思禮列傳為太原  
尹北京留守河東節度使裴遵慶列傳子向為太

原少尹兼河東節度副使

謹案唐代東京留守掌飭治武備控扼都畿皆以重臣典領與河南尹各為一職蓋即今

盛京將軍之比至東畿汝都防禦使及防禦副使以率兵巡防為職當如今城守尉等官特唐代皆以留守及河南尹兼之不別授他人蓋其所領本防禦之兵故即帶其使銜耳又唐北都留守即以太原尹兼之其職視東都較輕肅代以

後以河東節度使並兼二職則與諸藩鎮無異  
所謂留守府尹者亦僅屬虛名矣

五季

舊五代史唐莊宗本紀同光元年以河東軍城都  
虞候孟知祥為太原尹充西京副留守

時以太原  
為西京旋

改北  
京

三年以張憲檢校吏部尚書太原尹充北京

副留守知留守事明宗本紀北京左右廂都指揮  
使安金全晉少帝本紀高祖入洛以帝為北京留

守行太原尹知河東管內節度觀察事漢高祖本  
紀天福十二年車駕南幸以判太原府事劉崇為  
北京留守

謹案五季之君其三皆起於太原故北京最為  
重地留守有管鑰之寄大抵皆以勲戚領之然  
惟孟知祥張憲所任乃直留守之職若石晉高  
祖後漢高祖則雖帶留守虛名其實乃河東節  
度使與藩鎮無以異矣至新五代史唐臣傳又

有北京巡檢使符彥超麾下兵殺永王存霸事  
其職似不屬於留守然主率兵巡防則亦近今  
之城守尉等官也

宋

宋史職官志西南北京留守各一人以知府兼之  
管掌宮鑰及京城守衛修葺彈壓之事畿內錢穀  
兵民之政皆屬焉

謹案宋之留守皆以府尹兼之然其職實各有

攸司故宋史職官志亦別為一條在各路帥臣之列今仍繫之於此表至建炎初於汴京置京城留守及副留守則以高宗避敵南行因特設是官寄以守禦之任與陪京作鎮者不同今故畧而不著云

宋李元綱厚德錄張文節公知白初叅知政事為宰相王欽若所排及知南京欽若謫分司南京衆謂必報之而知白待之加厚

遼

王圻續文獻通考遼南面五京留守司俱兼府尹

職

謹案遼以上京為皇都而留守司亦與四京並置蓋以春秋巡幸不常厥居故特置以資彈壓然核其職掌大抵民事為多不主兵柄與唐之留守頗不相類今故但著於奉天府表茲不兼及云



遼史百官志北面邊防官○東京兵馬都部署司

○契丹奚漢渤海四軍都指揮使司契丹奚軍都

指揮使司奚軍都指揮使司漢軍都指揮使司渤

海軍都指揮使司○東京都統軍使司○東京都

詳袞

原作詳穩今依字面改正

司○保州都統軍司○湯河詳

袞司亦曰南女直湯河司○銅州北兵馬指揮使

司○涑州南兵馬指揮使司

已上遼陽路諸司控扼高麗

○黃

龍府兵馬都部署司一作都監署司○黃龍府鐵

驪軍詳袞司○咸州兵馬詳袞司有知咸州路兵

馬事同知咸州路兵馬事咸州紉將○東北路都

統軍使司有掌法道宗大安六年置

已上長春路諸司控制東

北諸國

○東北路兵馬詳袞司亦曰東北面詳袞司

○東北路監軍馬司有東北路監軍馬使有管押

東北路軍馬事官○東北路女直詳袞司○北女

直兵馬司在東京遼州置

以上東北路諸司

遼史地理志開州兵事屬東京統軍司保州隸東

京統軍司來遠城兵事屬東京統軍司顯州兵事  
屬東京都部署司乾州兵事隸東京都部署司貴  
德州兵事屬東京都部署司潘州兵事隸東京都  
部署司遼州祺州韓州雙州同州咸州兵事屬北  
女直兵馬司信州兵事屬黃龍府都部署司賓州  
兵事隸黃龍府都部署司湖州渤海州兵事隸東京  
統軍司郢州兵事隸北女直兵馬司銅州兵事隸  
北兵馬司涑州兵事屬南兵馬司鎮海府兵事隸

南女直湯河司順化城寧州衍州連州兵事屬東  
京統軍司歸州蘇州復州兵事屬南女直湯河司  
肅州兵事隸北女直兵馬司寧江州兵事屬東京  
統軍司祥州兵事隸黃龍府都部署司

洪皓松漠紀聞渤海國契丹舊為東京置留守有  
蘇扶等州中京古白霄城自上京至燕二千七百  
五十里上京即西樓也

謹案遼代建東京於遼陽實有今奉天全省之

地而上京之長春州東京之寧江州則其邊界  
所在長春當近白都訥寧江實傍拉林河計其  
疆域方位今之吉林寧古塔皆不能全隸版圖  
廣輪未為綿遠然考之百官地理諸志則防守  
各職規制畧備蓋兵馬都部署司都統軍使司  
如今之各將軍保州統軍咸州詳袞諸司如今  
之分駐各副都統指揮使司等官如今之總管  
城守尉而諸州郡兵事皆隸於統軍部署等司

則如今各處駐防悉總屬於將軍副都統也

金

金史地理志上京路海古勒

蒙古語行軍殿後也原作海古今改正

之地金之舊土也國初稱為內地天眷元年號上

京海陵遷都於燕止稱會寧府大定十三年復為

上京置上京留守司以留守兼本路兵馬都總管

肇州以太祖勝遼肇基王迹於此遂建為州置招

討司以使兼州事隆州利涉軍節度夫餘

原作蒲與今據

國名改正路置節度使承安三年設節度副使海蘭滿洲

語榆樹也原作路置總管府貞元元年改總管為易賴今改正

尹仍兼本路兵馬都總管承安三年設兵馬副總

管率賓原作恤品又作連類今據渤海府名改正路太宗天會二年以

扎蘭滿洲語隊伍也原作耶賴今改正路都貝勒所居地瘠遂遷

於此因名率賓路節度使承安三年設節度副使

哈斯罕滿洲語籬也原作曷蘇館又作合蘇款今改正路置節度使天會

七年徙治寧州嘗置都統司呼爾哈寧古塔河名也舊作胡里

改今改正路國初置萬戶海陵改置節度使承安三年

置節度副使烏爾古德呼勒

烏爾古蒙古語尊生也德呼勒索倫語脰

也原作烏古迪烈今改正

統軍司後升為招討司與夫餘路近

咸平路咸平府總管府安東軍節度使東京路遼

陽府東京留守司博索

滿洲語山陰也舊作婆速今改正

府路國

初置統軍司天德二年置總管府貞元元年與海

蘭路總管並為尹兼本路兵馬都總管此路皆明

安戶



金史兵志收國元年始置咸州軍帥司後為六部  
路都統司上京及泰州凡六處置每司統五六萬  
人太宗天會十年改南京路都統司為東南路都  
統司治東京以鎮高麗海陵天德二年又改烏爾  
古德呼勒統軍司為招討司以博索路統軍司為  
總管府大定五年又設兩招討司與前凡三以鎮  
邊陲東北路者初置烏爾古德呼勒部後置於泰  
州泰和間以去邊尚三百里宗浩乃奏分司於金

山以重臣知兵者為使列城堡濠牆戍守為永制  
金史白彥敬列傳正隆六年調諸路兵使彥敬主  
會寧夫餘呼爾哈三路事及降世宗以為哈斯罕  
節度使完顏福壽列傳從博索路兵馬都總管完

顏默音

滿洲語隊也原作謀衍今改正

通吉義列傳

通吉義原作獨吉義今依

八旗氏族通譜改正

遷達喇

滿洲語腰也原作迷刺今改正

部族節度使貞

元元年改唐古部族節度使烏雅扎拉列傳

烏雅原作

烏延今依八旗氏族通譜改正扎拉滿洲語媒人也原作查刺今改正

改博索路總

管高麗憚其威名凡以事至博索路者望見而跪

之尼瑪哈楚呼列傳

尼瑪哈原作尼龐古今依八旗氏族通譜改正楚呼蒙古

語純色也原作鈔元今改正

遷東北路招討使與完顏思敬有

隙思敬為東京留守奉詔至招討使楚呼不出餞

實圖美列傳

蒙古語頂戴也原作仁土懃今改正

改哈斯罕節度使

博索路兵馬都總管伊喇諳達列傳

伊喇原作移刺今依八旗

氏族通譜改正諳達滿洲語夥伴也原作按答今改正

以招徠邊部功遷東

北路招討使圖克坦克寧列傳

圖克坦原作徒單今依八旗氏族通

譜改正

厯呼爾哈路節度使海蘭路兵馬都總管承

裕列傳改東北路招討副使完顏安國列傳為東

北路副招討丞相襄列傳出為東北路招討都監

遷率賓路節度使移海蘭路兵馬都總管瓜爾佳

衡列傳

瓜爾佳原作夾谷今依八旗氏族通譜改正

出為上京留守尋

改樞密行院規畫邊事以修完封界賜詔褒諭

謹案金代肇迹上京其疆域袤延與

本朝勦業之地廣輪最為相合核之史傳會寧府

當在今寧古塔西六百三十里吉林城東北二百餘里之色齊窩集左右夫餘路在上京之北率賓路在上京之南海蘭路又在率賓東南呼爾哈路則在寧古塔之境哈斯罕路在遼陽之南咸平路在開原鐵嶺間博索府路與高麗毗連當在鳳凰城東去鴨綠江海口不遠而會寧府實居其中當時備設官職率兵鎮守其分地以治者有兵馬都總管兵馬副總管節度使節

度副使其專制方面者有東南路都統司東北  
路兩招討使副招討使烏爾古德噶勒招討使  
東北路招討都監建置不一要其大畧蓋上京  
如今之奉天府而夫餘海蘭率賓哈斯罕呼爾  
哈烏爾古德噶勒博索府諸路則如今吉林寧  
古塔各置帥臣之比其分為東南東北二路者  
東南都統司即東京留守所治專轄遼東以控  
馭高麗東北招討司則自今寧古塔吉林以及

科爾沁喀爾喀諸地無不統屬封界極為廣遠而瓜爾佳衡傳又有樞密行院之職則隨時建設以治邊事事訖即罷非常制也

元

元史地理志遼陽等處行中書省至元二十四年始立二十五年改東京為遼陽路安撫高麗軍民總管府治遼陽故城開元南京二萬戶府治黃龍府至元四年更遼東路總管府海蘭府碩達勒達

滿洲語碩直也達勒達遮藏也原作水達達今改正等路土地曠濶人民散

居元初設軍民萬戶府五撫鎮北邊一曰屯寧古塔境

內河名原作桃溫今改正一曰呼爾哈一曰鄂多理即鄂多理城為我

朝最初發祥之地在興京東一千五百里長白山之東原作幹朵憐今改正一曰

托果琳蒙古語周圖也原作脫幹憐今改正一曰布呼滿洲語鹿也原作索苦今

改正江各有司存分領混同江南北之地其居民皆

碩達勒達女真之人設官牧民隨俗而治

元史兵志夫餘原作蒲峪今並改正路屯田萬戶府世祖至



元二十九年以蠻軍三百戶女直一百九十戶於

咸平府屯種命本府萬戶領其事三十一年罷萬

戶府屯田仁宗大德二年撥蠻軍三百戶屬肇州

蒙古萬戶府依舊立屯肇州蒙古屯田萬戶府成

宗元貞元年以納延

蒙古語八十數也原作乃顏今改正

布拉噶齊

蒙古語捕貂人也原作不魯古赤今改正

及打魚碩達勒達女直等戶

於肇州旁近地開耕為戶

元史世祖本紀至元二十五年增軍咸平府以

察罕伊埒薩哈勒

蒙古語察罕白色也伊埒明顯也薩哈勒鬚也原作察忽亦兒

思合今改正

言其地舊邊徼請益兵以備不虞故也

謹案今東三省地在遼為東京在金為上京東  
京元代始罷其制而改設行中書省以鎮之與  
本朝之建立

陪京者制度頗為不合然當時所置總管府萬戶  
府與今之駐防總管城守尉等其沿革亦有相  
近者故仍繫之此表以著其畧云

元史成宗本紀大德二年四月置和林宣慰司都

元帥府以呼喇珠

蒙古語集聚也原作忽刺出今改正

耶律希周納

琳哈喇

蒙古語納琳細也哈喇黑色也原作納鄰合刺今改正

並為宣慰使

都元帥佩虎符四年六月以和林都元帥府兼行

宣慰司事五年四月遣推勒特穆爾

蒙古語推勒極也特穆爾

鐵也原作禿刺鐵木而今改正

等攜和林軍八月推勒特穆爾等

自和林還言和林屯田宜令軍官廣其墾闢量給

農具倉官宜任選人可革侵盜之弊從之七年七

月立和林兵馬司武宗本紀大德十一年七月罷

和林宣慰司置行中書省及稱海等處宣慰司都

元帥府和林總管府以太師伊徹察喇

滿洲語伊徹新也察

喇注酒器也原作月赤察兒今改正

為和林行省右丞相中書右丞

相哈喇哈斯達爾罕

哈喇解見上哈斯蒙古語玉也達爾罕滿洲語凡有勤勞

者免其差役之謂原作哈刺哈孫答刺罕今並改正

為和林行省左丞相仁

宗本紀皇慶元年二月改和林省為嶺北省英宗

本紀至治三年二月罷稱海宣慰司及萬戶府改

立屯田總管府文宗本紀至順二年二月以上都

留守柰瑪台

蒙古語柰瑪八數也台有也原作乃馬台今改正

行嶺北行

樞密院事太禧宗裡使錦濟勒

唐古特語送布拖之謂原作謹只兒

今改正

達朗

蒙古語河堤也原作答鄰今改正

達賚

蒙古語海也原作答里今改正

等並知院事順帝本紀後至元三年二月以滿濟

勒噶台

蒙古語璽路也原作馬扎兒台今改正

為太保分樞密院鎮

北邊

謹案和林為元太祖肇基之地太祖四大鄂爾

多蒙古語官也原作  
幹耳朵今改正

世留朔方常以親王鎮守

其地統領軍馬捍禦外寇如顯宗為晉王世守  
北邊者是也自世祖時諸王紂延等背叛屢擾  
和林至車駕親征寇亂始以稍息而其黨尚出  
沒邊境故嶺北特為重鎮雖當時未建都號而  
職守甚鉅行省丞相綜治文武當兼有今

盛京五部及將軍之職其行樞密院事及知院事  
鎮治北邊則即如今之各將軍副都統也又考

明宗本紀載帝發北邊沿邊元帥圖埒訥

蒙古語燒

也原作朵烈  
捏今改正

萬戶瑪魯

滿洲語瓶也原  
作買驢今改正

等率兵

扈行是當時沿邊必各有分鎮之官如今之駐防副都統協領等職而史文闕畧其制不可復考矣

明

明史職官志南京守備一人協同守備一人南京以守備及叅贊機務為要職守備以公侯伯充之

兼領中軍都督府協同守備以侯伯都督充之領  
五府事叅贊機務以南京兵部尚書領之其治所  
在中府掌南都一切留守防護之事永樂十九年  
遷都北京命中府掌府事官守備南京節制南京  
諸衛所洪熙元年始以內臣同守備景泰三年增  
設協同守備一人南京衛指揮使設官詳京衛凡四十  
有九分隸五都督府者三十有二又親軍衛指揮  
使司十有七與左府所屬十衛右府所屬五衛前



府所屬七衛後府所屬五衛並聽中府節制各衛  
領所一百一十有八

明官制南京中軍都督府留守中衛神策衛應天  
衛和陽衛廣陽衛左軍都督府留守左衛驍騎右  
衛鎮南衛水軍左衛龍虎衛龍虎左衛瀋陽左衛  
瀋陽右衛龍江右衛英武衛右軍都督府留守右  
衛水軍右衛虎賁左衛武德衛廣武衛前軍都督  
府留守前衛龍驤衛豹韜衛豹韜左衛龍江左衛

飛熊衛天策衛後軍都督府興武衛鷹揚衛江陰衛橫海衛每衛有鎮撫司左右中前後千戶所

謹案明初以鳳陽為中都世宗由興王入繼又

以安陸為興都各置留守司官屬而鳳陽承天

即安陸

均設知府其制仍如列郡與陪京不同惟

南京守備以勲臣統率專管江防實即唐東都留守之比然歷朝皆以內臣協同守備寄軍政於閹豎而公侯伯之為是職者又皆紈袴子弟

不諳兵務士卒大都出自市井負販占役買閒  
其時諸臣雖間以為言而苟且因循卒無整飭  
以致闖茸驕惰不可復用崇禎中流寇侵軼江  
北南中將吏日夕張皇惟惴惴焉倖賊之不東  
下而已留都兵勢積弱未有如明代之尤甚者  
國家神武開基聲靈赫濯而

盛京以

發祥重地兵防定制倍極精詳設鎮開屯控扼邊徼

皇上觀光揚烈每

翠華臨莅秋郊獮閔

賞賚優加復屢

命增置兵弁修繕甲仗慎選親勲俾膺間寄規模益昭

關遠矣

欽定歷代職官表卷四十八